

¿Jabemsate?

Te jueebena ta ka aayuk, intok junuen te ta'ewa: machilim, masiwem, jubajem, maisookam intok temaim. Itom takaa inien maachi: koba ta te jippue, takaa ta intok jume chumim.

Katte nanaarechi ta ka aayuk, wawate ka chea ilichi wate intok chea bwebbwere. Naikim te wowokek ili seboakame, jinime beja itom a'ania intok yee tetejwa boo'ot jita ito beaj kateko, itom jibwabaetek junii ye a'aniamme jume ili seboam, itom amubaeteko Kechia.

Jiba tua empo itom ju'oneyya jueebenam itom puusim jippuepo amani, ta junuen ta ka junii te kaa tua tu'isi bibicha. Woim te chaapak, inimem mak te jita nunu'e ji'ibwabaeteko, wate yoeriam te amea bwi'ibwise, jowo ta amet kimaabaeteko.

Wa itom jowo, si jueebenak jita jippue, si ko'okosi wate yoawam met kibbake. Ju itom jowo ket wate yoawam intok babato'im kokoi tabe, amak chea junii am mem'e'a.

Jubajem intok machilim

¿Jaikisate?

92,909 ta ka siime aniapo aayuk.

5,579 ta ka Méjiko aayuk.

1,978 ta ka Méjiko atte'arim, ka jak intok aayukamme.

¿Jaksa te jo'ak?

Im Méjiko te si'imekut aayuk. Itepo jume jubajem intok jume machilim, ili tatakú intok ili ba'aripo te che'a a'u intok ili ka machiku kechia.

Kari bepariampo ket te aane, juyapo ya'arimempo. Pueeta mayoammechi intok konila ket te aayuk. ¡Em jo'arapo intok em majta karipo ket te aayuk!

Itepo jume temaim, bwiapo te aane, batwepo, baa'a ta mamtel'a'apo, intok jak junii baa'am aayuka'apo. Che'a junii te bawepo ket te aayuk.

¿Jachin te nau jiapsa?

Batte siime je'ela te kabapo yeo tomtomte. Wate intok, machilim benasi te itom maala ta takaapo wajiwa te chuchupe. Jakwoo naateka te aniapo aane.

Kichulim te bwabwa'e, se'boim, baise'boim intok amak junii te ito benak te aa bwa'e.

Itepo jume temaim, wate yoawam takaapo te aane, wawateka te ito bwabwa'e, wate intok te bwiapo aukamta te bwabwa'e, taakam, bachiam intok juya chu'ukam.

Itepo jume jubajem, wi' ta te jojoa, aamak intok te wijtosam te jojoa, jubaje toosam ket te jojoa, itom ili kabam betchi'ibo. Amak intok te yoeriam amea bwi'ibwise am bwabaekai intok te tu'uli si te amea kom kakkalo.

¿Jachin empo aa itom ania?

Si'ime wa bato'ora itom ka tu'ure bwe'ituk yee jowo ta jippue ti jia, wate intok yee keke'e ti jia, wate intok yee ko'okoa ta jippue ti jia, ta itepo te kaa kia jab eta junii te ko'okosi jojoa.

Seenuk itom bwabaemta, itom ko'okosi ya'a baemta jiba te keke'e. Inim ji'ojteipo te kia jalekisi eu a teuwak, ito betana etejoita, ¡Ta che'a jueebena wa itotana aukamta...!

¿Jachin te enchi a'ania?

Wate yoawam itom bwabwa'e, itepo intok te yoeriam, bato'im betchi'ibo kaa tutu'um te bwabwa'e.